






原件短缺

P1上半页缺



矣若責余以文理麤率宮商俚  
鄙不能練句敲辭則此三家村  
中語不過少求刹那歡喜解頤  
幻態已也勿以出入恠誕罪我  
史為慶幸 四願居士自題



萬全記上卷

一名富貴仙

目錄

開場

回館

績讀

頑梗

遺恨

訓主

正史

別試

蠢動

明義

報錄

尚主



幽嘯

守石

蠻橫

萬全記上卷

一名富貴仙

第壹齣

開場

沁園春末卜帙卜豐書衣大有周鼎商鼎纂史書實  
錄春秋名義矯誣正在特大無私忠憤激成叛逆邊  
鄙不能安分雲雨荒臺起夢思諸葛亮隆中再見一  
夢全師臨颶淋漓擊節借讀離騷問酒卮彌衡過  
鼓無妃度曲中郎解語且作悲絲山海澄清蠻獠隱  
匿萬古奇勳片刻時鍾靈異三男一產萃祝願如斯

第一願做官的皆像卜家父子

第二願內助的皆像夫人公主

第三願無賴的皆當計夢計醒

第四願有力的皆當慎終慎始

第二齣

回館

東鍾

南戀芳春。生冠帶上。聖主龍飛。神功獸舞。靈年福應。斯螽自愧。才非班馬。謬際遭逢。久濫大官滋味。尸鴛列敬事難工。誠惶恐看這磨經鳳紀。豈同咏月吟風。

集唐

上陽柳色與春歸。北闕晴雲捧禁闈。獨有鳳

凰池上客。懶朝應與世相違。下官姓卜名豐。字大

有。浙西吳郡歸安人也。周官卜氏。一源本系西河。

高第孔門。奕葉蔓延南國。先君卜本。曾拜禮部尚

書。大父天申。向任京畿御史。人稱屢世簪纓之望

族。我遵一塵不染之家風。名在清班。官持藥操。亡

母張郡君。久安窳窳。夫人令狐氏。樂守荆箕。孩兒

卜帙。別時尚未垂髫。母子家居。屈指已將弱冠。下

官忝中。先光宗皇帝朝之庚戌進士。如今又是慶元天子禪位之四年。戊午歲了。蒙恩拔置館員。不覺水壺十載。向奉明綸纂修國史。欽定下官爲總裁之職。拜命那日。卽爾致書。勉勵妻子。屏遠親知。一切往來。並皆痛絕。喜得時下史書實錄。漸次將成。今早遵命入朝。便殿論事。極承聖人隆眷。就撤座前金蓮寶炬送我歸來。又賜雅樂一班。許令早晚演奏。以取浹洽天和之意。咳。人臣遭此殊遇。敢

不洗滌肺腸。克勤克慎。從事說白時。衆執蓮炬導

從上介生分付衆人。就此回館。衆應各行介。

一江風合御袍紅。錦煥文章動。瑞獻朝陽鳳。氣和雍  
環珮鏗鏘聲。洽鈴鸞中。瑚璉器自工。瑤  
光貫彩虹。城邊北斗都迎送。各下

第叁齣

續讀

江陽

正喜遷鶯。且荆布雅粧。上篝燈績紡。任秋月春風。蝶  
紛蜂攘。夫婿劬勤。孩兒砥礪。計惟白井糟糠。小生巾

萬全言 卷三  
服上父去。金門待漏兒方破壁分光。須究講。但分  
陰痛惜。快慰萱堂。

憶王孫。旦萋萋芳草憶王孫。柳外樓高空斷魂。杜  
宇聲聲不忍聞。小欲黃昏。雨打梨花自掩門。旦奴  
家小字潔娘。翰林學士卜大有之夫人。天官侍郎  
令狐公之長女。兒夫石渠供奉。久任史館總裁。孩  
兒黃吻含飴。每日依親誦讀。所喜者門可羅蛛。宦  
興水清玉潔。所憂者家無擔石。難爲夜績宵吟。荆

釵裙布。一家依舊是寒儒。雪案芸窓萬卷有書課  
兒子。我相公自進史館之後。即便寄書回來。說道  
一切往來。盡皆杜絕。就是家書。也不必去。嘆介咳。  
我這歸安至京。盈盈一水。不特差人探望。可以計  
日往來。就是飲食衣衾。何難不時支應。我那相公。  
何以執持若是。但不知史書實錄。何日告成。刻下  
興居。誰人服侍。卽此是吾憂耳。梅香。丑介上。旦速  
送績床書案來。我與小官人紡績讀書。則箇。丑應



送上旦小讀續介

普天樂旦喜春和。當課紡。管甚麼柳色青黃花鬢髮。  
奴不似少婦凝粧。悔教他夫婿維韁。且安心荆布勤  
鞅掌。勉孩兒竹林文酒休捨攘。只一意傍娘親。伊唔  
昧昉。好博個萬目齊欽賞。待春雷動處。早魁金榜。  
前腔小別爹顏。情濛茫。到如今已識之無。仍悵惘喜  
椿萱一樣芬芳。偏只怪兩地徬徨。早悞了寒暄養。雖  
則是書香有藉堪承講。望天涯不勝悲快。敢把分

陰來晏享。少不得杏花紅了。馬蹄餘響。

尾聲丑持燈上夫人樓頭鼓已三過響。還未撤書燈  
線紡。你且安養些時神氣爽。

旦言之有理。我兒收了書。睡去罷。

集唐旦

垂柳陰陰晝掩扉。媛掠紅香燕子飛。  
久坐暗生惆悵事。碧雲芳草兩依依。

第肆齣

頑梗

支思

中粉蝶兒外盃甲上。盡剪茅茨。俺可也盡剪茅茨。方

顯得英雄之志。恨只恨宋君臣似鬼如屍。激得俺忠義士鼓刀橫幟。末盛甲上只俺這弟和兄奮着拳裂着背意孜孜。直待要捲山河翻海甸。俺生他死。各揖

介

集唐外結髮未識事。末操刀良在茲。外意氣人所

仰。末吐諾終不移。外我牛忠是也。末我王孝是也。

外先父牛臯與亡叔王貴二人同作岳少保爺爺軍前副將。可恨宋朝君相不仁。竟把岳氏一門盡

皆誅滅。末因此我父與牛伯伯逃匿山林。招集亡命。舉此大義。以快人心。踞了兩粵地方。兵連五十餘載。眼見事機日增。月益。哥哥。外兄弟。末惟可痛者。我們父母相繼淪亡。外兄弟。末哥哥。外還可喜者。各洞洞蠻皆來修好。不若乘此機會。結連了孟天寵那厮。兩下興師。一齊入寇。除了宋朝昏佞。奪了趙氏江山。我與你各分半壁。坐享太平。有何不可。末哥哥之言。極為有理。我們一面差人。前往天

真全言 一卷  
寵洞中相約。一面還須另立一個共主。方好號召四方。正名征伐。外兄弟所見甚明。俺們不免擁立張保叔叔爲君。何如。末哥哥兄弟正有此意。外這等不免分付傳宣。請他正位。末傳宣官兒那里。介上熊羆帳下傳宣。虎豹營中聽令。稟爺有何分付。外號令全軍。擺齊隊伍。請張大王來。雜應介下。  
內吹打放炮。介

泣顏回 副淨白髯駝背冠蟒衆隨上 合 天末徒號鴟。

可憐泣路悲絲。忠肝義胆。至今寢食常思。看取長弓大矢。震遙天鼓角喧聲。倭見全軍個個歡騰。問今朝爲何如此。

外末跪迎吹打扶副下。與介副二位賢姪。今日請我出來。如何這等熱鬧。你二人爲何行此大禮。却是甚麼緣故。外末告稟叔爹。見輩痛追父志。卽日起兵。以雪宋家殺戮岳氏父子之憤。所以特請叔爹到來。正了君位。懇求叔爹定一國號。方可統御。

三軍傳檄四海。庶不至于草竊之誚。副淨卸袍帽。慌渾介兩位賢姪。多謝多謝。承照顧承照顧。外末這却爲何。副沒福沒福。外末仍代穿戴。副不肯渾介。副兩位賢姪呵。此事不可亂動的好。外末介叔。爹何以見得。副當初你們兩個父親。隨着岳老翁出兵。不過軍前兩員偏裨。就是我張保。也不過一個馬前小卒。只因高宗皇帝無道。聽了秦檜奸臣。害了岳家父子。我們義憤所激。嘯聚山林。原爲一

點忠義上邊立論。如今高宗皇帝崩了。秦檜奸賊死了。你們兩位尊人沒了。我又老到九十歲了。這種冤仇。也好解了。如何反要大弄起來。不可不可。外末叔爹有所不知。我們父子叛逆。將及五十年矣。奪了宋朝的地方。殺了宋朝的兵將。搶了宋朝府庫錢糧。阻了宋朝郵傳聲教。即使安守一隅。他也不肯饒我。還望叔爹。應天順人。勉循衆志的好。跪介副渾介平身平身。起來商酌。外末起介不必

商量。竟請叔父。早正大位。副不是這等說。二位賢姪。雖是英雄。何嘗通曉文墨。事體弄得大了。未免有些費力。還有一說。倘或宋朝。又出俺岳爺爺。這等一個。寧折不灣的忠臣。來與我們作對。動不動。直搗黃龍府。直搗黃龍府。這却如何是好。哭。渾介我這張保皇帝。如此年高的了。難道也好像那徽欽二帝一般。拏去青衣行酒不成。大哭介。我便罷了。我的皇后娘娘。如何去得。外末介。叔父之教極

是。但事已到此。不得不然耳。做忠臣義士的情願。死于鋒鏑。安肯屈膝偷生。若果再生一個。照依岳爺爺。這們的正人君子。我們也願投誠納款。歸附于他。他就把我寸刃。變分。我們都肯瞑目無悔。副。渾介。兩位將軍果然。外末。果然。副介。罷。你們小小年紀。尚然如此。我這老命。要他何用。穿戴介。來。來。大家拜。大家拜。起兵起兵。殺殺。有興有興。渾介。內吹打外末扶副登臺。介。副。哭笑。渾介。外末。行禮。

介衆叩頭。介衆將叩頭。願吾王千歲千歲千歲。

副介平身。平身。渾介。

上小樓合看這三軍奮起有名師。森凜凜劍如霜刀似雪也。那氣如颶。一個個豎目揚髭。一個個豎目揚髭。踰地呼天。搏犀撲兕。再休教泪眼凝眊。再休教泪眼凝眊。須索鼓貫長虹。干霄志。俺都是忠義兒郎。那怕他奸頑蟻虻。少不得獻馘輿尸。少不得獻馘輿尸。管教伊坐金鑾。千秋謚。滴溜溜早辦取郊天祀。

副既然如此。二卿過來聽我分付。外末衆如今是旨了。副是是。二卿過來聽旨。外末跪介副渾介寡人既蒙推戴。只得權居此位。國號滅宋天王。立妻梅氏爲后。遙晉孟天寵爲半天大王。許以黔滇建國。唇齒相依。指臂爲用。牛忠封爲東路總管。由東粵入閩抵浙。王孝封爲西路總管。由西粵歷楚進吳。皆會于臨安地面。執縛宋君。誅鋤奸黨。雪先太保之奇冤。伸滿乾坤之正氣。事定之後。另立賢君。

重安社稷。不許囉唆。大家發作。外末起介。眾介啟。上大王。不許囉唆。大家發作。這八個字。須改一改。副介胡說胡說。聖旨已下。誰敢多言。今日黃道吉日。二卿就此出兵。外末介領旨。

泣顏回。外末天心人意正當時。豈是長蛇封豕。大小三軍。眾應介。外末記取鼓前金止。再休想進退。趙跪介。臣等叩辭。副介二卿小心在意。功成之日。另加爵賞。請起請起。外末起介。眾將擡營。眾喊介。令

車流馬駛。疾如風破竹。奔如矢。不愁他萬疊重關。只用俺靴尖半趾。各吶喊繞場一回。下介。中軍弔場。副

睡介。中介啟大王。渾介。中怎麼好。竟睡着了。又渾

介啟大王。介哦。有了。不免裝做報子。驚他醒來。介

報報報。副驚跌下臺。介。中扶介。副渾介。不好了。不

好了。跌傷了龍體了。報子那里。介。報子那里。中介

沒有報子。就是小臣。副介。我且問你。有甚軍機急

務如此大驚小怪。中跪介。臣該萬死。並無他事。因

見二位元帥去遠。特來報知大王。以後再不敢了。  
連叩頭介。副介。若論驚駕。律該處死。中又叩頭介。  
副。罷罷。今日初登寶位。天恩大赦。恕卿無罪。起來。  
罷。囚入的。假小心。喊。快些傳旨擺駕。我要回宮。中。  
領旨。對內介。大王傳旨。擺駕進宮。內應介。衆齊上。  
彩仗輝金碧。嬪娥列管絃。鑾駕已齊。請爺登輦。衆。  
吹打二旦扮宮女扶副上輦。副。渾行介。

黃龍滾犯合。嘆婆婆。姿雪鬢霜髭。嘆婆婆。姿雪鬢霜髭。怎

禁得嬌娥環侍。想當年墜鐙隨輜。想當年墜鐙隨輜。  
可奈何。鼎食鍾食。怕只怕大君洪運萬年斯。可不道。  
螳車難肆。心戚戚。晚計晨憇。心戚戚。晚計晨憇。恐未  
得久安衣餉。吹打衆雜扶副下輦。副。快請夫人。快  
請夫人。衆。啟大王。如今要說宣娘娘哩。副。是是。依  
卿所奏。就宣娘娘。丑。白髮持杖冠帶上。偷覷。渾介。  
撲燈蛾犯丑。只俺這老夷光不姓施。正中宮無遷次。  
呀。擁列着朱朱粉粉一堆兒。衆。請娘娘上前行禮。



丑怎麼說要我去拜他。副不要拜。不要拜。豈敢豈敢。衆如今既正君位。自然該拜哩。丑以杖亂打介。衆渾介丑我把你這一干狗入娘的。我梅娘娘。原是岳夫人房裡的貼身梅香。就是岳老爺。凶信到家。那日。總與這老忘八一塊。他就叫我。姓了梅罷。老忘八。你只想想看。又打副介。你不虧我。如何得有今日。打衆介。我是六十年的老夫妻。叫我去拜他。衆介。啟上千歲娘娘。如今不同了呀。丑又打副

勸介丑扯副耳副跪丑老忘八。他們這等說。你也公然就是了。還不磕頭。副磕頭渾介衆笑渾介丑說甚麼。帝和皇窮奢極侈。笑今朝馬頭張保竊猴冠。誰承望娘娘梅氏來遵旨。拜得你瘡也斯。痛也斯。管教伊涕吐昏迷屈肘肢。

副作暈死渾介罷了罷了。快些打掃白虎殿。寡人要駕崩了。丑哭渾介我的親親皇帝丈夫。萬歲老兒呵。副醒介我的真正千歲老親娘。各渾介衆請

皇爺夜宴。副丑送席。渾介。

小桃紅合擺列着珍奇器異樣。卮說甚麼酒成泉林。成觥叫支支管籥喧闐。叫支支管籥喧闐。羯鼓聲高。鸞笙聲肆。齊簇簇肉掩罍。齊簇簇肉掩罍。孃孃。孃孃。娉娉婷婷。嬪娥妃奴。他們都舞福襪隨行分侍。

副撤了筵席。回宮去罷。衆介。副醉介。宮女扶副淨。

丑打介。丑將杖與副。副扶杖。一頭丑扶一頭遶場。

行渾介。

叠字令朝列。武文朱紫宮列。綺羅簪珥。震盈盈畫角。支響瑯瑯笙歌。蕤嘆當時負屈含悲。到如今揚眉伸志。看英雄兩路興師。看英雄兩路興師。少不得直窮顛躓。與他們別個妍媸。與他們別個妍媸。方畢了此椿心事。

尾合從今出口稱爲吉。花嘴臉說是龍標鳳姿。副娘

娘。丑皇帝。副我有一件愁哩。丑愁什麼呢。副我只

愁九十歲的娘娘如何生太子。打渾下。

第五齣

遺恨

齊微

集唐末扮土地上。浩蕩自無主。低空有斷雲。誰憐一片影。天上復離羣。我隆中土地是也。這個隆中原是漢丞相。諸葛武侯。高卧之所。他感昭烈三顧之恩。出去定了三分天下。又誰知大數早盡。五丈原一病而亡。人人說他死了。那曉得他一點真靈。何嘗泯滅。仍來此地。安養元神。日則吐納陰陽于幽密之地。夜則嘯吟風月于巒岫之間。一會裡似

笑似顰。學屈原之孤憤。一會裡如歌如蹈。類阮籍之徉狂。有時節踞虎豹。攀虬龍。曠舒耳目。有時節採山花。啜澗水。洗濯心胸。更見他指天畫地。像存一種。說不出的襟懷。又見他究古詳今。似有許多。做不完的事業。這皆不在話下。你看今夜天氣澄清。月華皎潔。想他必要出來。閒遊玩賞哩。恐有差遣。不免遠遠伺候。則個正是少陵野老吞聲哭。世人那得知其故。但覺高歌有鬼神。怪底江山起烟

霧。虛下外上。我諸葛亮是也。蒙漢昭烈之知遇。完五丈原之血忱。當日譙周輩。譏我不識天時。後來陳壽流。將我不歸正統。大笑介。這也由他。這也由他。只怕河漢經天。山川拔地。兩般無恙之際。這是非非。正未定也。我今把這一點真靈。仍到隆中安養。非仙非鬼。常存浩氣于太虛。嘯月留雲。少借風光于幻境。每同麋鹿往來。時看江山換主。嘆介咳。未免多此一番。弔古傷今之嘆也。

南  
一枝花外。噓唏。空勞笑與啼。數定也。難逃避。誰識得秦亡非漢楚。又何用周粟耻夷齊。好叫我暗裡狐疑。你看俺這歸魂有夢憑誰寄。又看他這蕉鹿何由品是非。哭介。噯天呵。雖不得車書一統。天王大又何必列國三分。把正統靡題將起。可勝思維。

梁州第七。你看這碧澄澄。遐天似洗。光皎潔。皓月如曦。俺今日呵。黃塵戰地皆忘矣。四圍看介。止不過遙見些暮笳城郭。又見些過翼村畦。那裡是聲搖五岳。

萬全記 卷一  
那裡是勢壓三齊。徒教俺對清風悶懷耿耿。未免  
得乘皎月。蹙首悽悽。我我我。做不得寄情流水。我我  
我。誠可是絮也沾泥。到如今只落得道喪真迷。名  
空實地。那些拾唾餘。仰鼻息的世人呵。那曉得殘碑  
剝落千年髓。還只是依樣葫蘆。順水湄。一任他道路  
評旁人議。總不敢辯雌簧。別牝驪。怎肯去追源探本。  
究竟是詳非。

末介上土地參見大神。外生受你了。

牧羊關外。俺是個塚中尸原上鬼。又何曾冒天神嚇  
土祇。你把這好稱呼。不索題。末大神生爲漢相。自然  
死作明神。何以稱爲鬼也。外羞殺俺相業卑微。笑  
殺俺神靈荒誕。末大神一到。萬鬼皆潛。頭上光起金  
輪。脚下雲成五彩。果然真好威儀也。外好荒唐百  
尺金光起。真罔誕。五色錦雲堆。這都是附會成乘槎  
風味。土地且退者。末介外豈不聞子不語怪力亂神  
譏

未遵奉法旨。土地退者。叩首下。

四塊玉外。他他他。持躬忒忸怩。俺俺俺。討論須詳細。俺只要不來猿狄杜鵑棲。又何須屏踪狐兔把山。魑繫也不願天地知。也不願神祇識。也不願看興衰。嘆黍離。

內吹打介外。那里一派樂聲。遠望介。哦。原來是國史院中纂修實錄。當今天子。頒賜雅樂。許令不時品奏。咳。聖上呵。聖上。你好重賢也。史臣呵。你好遭

際也。但不知纂修之人。校定之史。可以當得一個千秋公論否也。

哭皇天。你把這大乾綱。休見戲。少差池。就做了萬古猜疑。莫隨他一時班管從心計。早博個來日金門賜徒衣。須曉得按當年董狐之筆。憑你是紛紛擾擾。掩掩遮遮。呵呵叱叱。繆繆紕紕。少不得歸到春秋特大題。再休續幾篇罵史。又假個虎韋衣狸。

內鳴金掌號介外。呀。這又爲何。又望介。咳咳。原來

是牛忠王孝出兵也。

烏夜啼。鎮人心。全仗着綱常維繫。循天理。盡從着忠義。羈縻秦檜呵。秦檜你這奸欺。竟不怕天和地。高宗皇帝呵。你這昏迷。竟不顧名和義。一任的恃着奸欺。執着昏迷。把忠良一一盡鋤犁。那曉得頑民今日還狂吠。咳。當今皇帝呵。你快修心無壅閉。革舊非申。今誓早樹起招降赤幟。赦彼鯨鯢。

內鷄鳴介外呀。說話之間。不覺鷄又鳴了。且進隆

中去罷。

尾。遙天一望清如水。星月潛窺暗影移。側聞山鬼欣和涕。咳。曹操呵。曹操。眼見你奪了劉氏山河。纔一瞬。又隔了馬牛唐李。大笑介。我又笑你這趙宋官家。定要到底時方已。

集唐

燕臣昔慟哭 大雅思文王

懷恩未得報 玉顏已千霜

第陸齣

訓主

魚模

集唐丑扮內相上。帝力詎能名。和風政令行。咸歌  
太平日。樂府動新聲。咱家大宋慶元皇帝朝中。一  
個穿宮太監是也。今上乃南宋光宗皇帝之子。建  
國臨安。傳葉四世。我皇上雅好典墳。動遵禮法。每  
日只與書史相親。天性不喜聲色之樂。翰林院國  
子監。不特時常臨幸。兼且每每達旦忘歸。教坊司  
御樂庫。豈止從未究心。甚至刻刻思量裁汰。笑介  
你看這昭陽殿。清暑殿。長春殿。披香殿。門雖設而

常關。反是那延英殿。文華殿。通明殿。資政殿。戶未  
扃而復啟。長門冷落。偏只是連昌宮。長樂宮。館娃  
宮。交泰宮。宮宮輦跡皆無。別館風流。誰承望建章  
宮。朝天宮。甘泉宮。太極宮。處處履聲不絕。迢迢  
迤。那怕他集賢院。崇政院。觀文院。待漏院。他都次  
第往來。下下高高。不論是乘風樓。賓日樓。齊雲樓。  
摘星樓。也肯乘除眺覽。極高的是凌霄閣。飛綺閣。  
天祿閣。石渠閣。中天大輅常飛。最遠的是弘文館。



翠微館。祕書館。射熊館。前席詞臣恣講。只差苦了  
這許多綽綽約約。妖妖艷艷。青的黛。翠的眉。紅的  
唇。白的齒。三千侍女。又何曾舞低楊柳樓頭月。可  
憐閒了這若干悠悠揚揚。清清亮亮。新的聲。舊的  
譜。循的腔。按的板。一部梨園。幾時教歌罷桃花扇  
底風。空列着六宮中。露透紅珠。夫人金翠。在有了  
三殿裡。香生綺綉。母后暫盈。這止是合宴簪紳溢。  
承歡萬歲餘。月沉宮漏靜。零落滿空虛。道猶未了。

正宮娘娘。早出來也。

雙調海棠春。老旦冠珮宮人全上。老錦繁上苑。雛鶯語。  
輅聲遙。神麾珠雨。五色散天花。萬歲呈金縷。

集唐老紫庭金鳳闕。高掌曙雲開。歲歲無爲化。常  
持薦壽杯。老身大宋慶元皇后是也。太子已出青  
宮。公主尚留紫禁。鶯歌嘒嘒。總緣上苑春濃。燕影  
翩翩。豈是禁闈人寂。聖上酷嗜簡篇。每日必臨史  
館。老身深宮靜坐。幸而公主追隨。絕不致于冷落。

再幾年。女兒下嫁去了。是好不孤另人也。侍兒速  
宣公主。雜宣介。小旦扮公主。雜內侍仝上。

前腔。小東風有藉。渾無語。問春花幾多風雨。翠幌塵  
珠簾。莫惜黃金縷。

拜介。母后千秋。孩兒九頓。願娘娘千歲千歲千  
歲。老我兒平身。且同母親坐着。閒玩春和者。小兒  
告坐了。

夜雨打梧桐。老笙歌杳。仗鹵迂。甚處警鑿輿。護龍雛。

娘兒幽絮。鎮日翠華飛去。珠簾壓老流蘇。小介。娘娘  
遙浮瑞氣。紆密雨。迎仙步。環珮悠悠。踽踽看這瓊樓  
玉宇。漫自拽瑤琚。怪他影錯入花陰裡。光分縹緲餘。  
內。皇爺駕幸正宮。老介。呀。聖駕今日如何忽爾到  
此。孩兒仝我接去。小介。

六么令。未扮皇帝。衆內侍上。普天率土。治邦家豈分  
宮府。彙徵多士。慶皇圖。芬彩筆。賦銀鋪。笙歌院院邀  
回顧。笙歌院院邀回顧。

老旦小旦跪介末皇后公主平身。老小起身作進  
宮。又行禮介老坐介末孩兒也坐了。小介萬歲。末  
卿與孩兒閒在深宮作何消遣。老別無消遣。惟有  
閒玩春花。少觀書史而已。只是懷念聖躬。時加悚  
仄。末寡人不是樂于外殿嬉遊。有缺深宮情款。只  
是性好簡篇。心專墳典。更因纂修一節。刻刻留心  
討論。所以大內常虛。勞卿懸望。今日偶與纂修總  
裁官卜豐講起后妃之化。又說螽斯一章。并緝女

箴一帙。諷朕每日回宮。以篤夫妻之誼。朕從今日  
起。晝則外庭資理萬機。夜必入宮。贊成陰教。庶追  
先王雅化之意。老誠如聖訓。宗社聿慶。爲不小矣。  
願吾皇萬歲萬歲萬萬歲。末既如此。卽將女箴一  
函。賜卿母女。朝夕講誦。便了。擺宴過來。衆作樂老

小送酒介

錦堂月。畫錦堂。合赤爵啣書。祥麟紀瑞。電繞斗樞天  
宇。端居垂拱。君臣吁咈。都俞。月上海棠。惟願着萬歲

千秋化洽執干持羽。合期看取。看取內外雍和。九人一女。

前腔換頭樽俎環珮璠璣。和鳴鸞鳳。勤修內則無踰。更休教幼主持驕。須戒慎女箴規矩。媚盥櫛婦德宜循。事蒸嘗母儀當許。合前

尾塗山太姒。匡周禹寡小君。不同凡女。須省得同體。天王垂萬古。

集唐末春殿倚蘭美

老欣承道德篇

小天文將瑞色

合佳氣滿山川

第崇齣

正史

皆來

南上林春生冠帶雜隨上生此筆何能公萬載好教我不勝驚駭影衾自問何如夢寐也難摹揣

集唐生登年隨玉燭。睿賞叶春芳。小臣輕蟬翼。懷恩愧稻糧。下官恩蒙聖眷。久歷史院總裁。彤管緝函。俱是上方寵錫。三成九奏。總皆至治洪鈞。雖叨一日之光榮。實獲千秋之唾罵。嘆介這種情懷。寧

能已也。內奏樂介雜介稟爺。這是各位老爺送來的底稿。生介待我細細參閱。你且遠些伺候。聽我呼喚再來。雜應介下。

梁州新郎。梁州序。生。古今成敗。恢弘狹隘。得失交差。一芥。唐虞桀紂。止分半點誠垂。看介。這是前朝史傳。看取周興文武。漢滅桓靈。定論無那改。魏太祖武皇帝。沛國譙郡人。姓曹諱操。字孟德。文皇帝諱丕。字子桓。蜀先主姓劉諱備。字元德。涿郡人。吳主孫

權。字仲謀。兄策既定諸郡。時權年十五。以爲陽羨長。策薨。以事授權。介。咳。陳壽呵陳壽。你以一點私仇。廢了千秋公論。這樣書法。豈可做得一個不磨的信史也。介。下官既奉簡書。責以總裁重任。難道如此不白之是非。不爲一肩之擔荷不成。介。如茲顛倒也。慢興懷。不勝唏噓。費付裁。又看介。建安二十

五年春正月。魏武皇帝崩于洛陽。時年六十六歲。黃初七年夏五月。文皇帝崩于嘉福殿。時年四十

歲。蜀章武三年夏四月。劉先主殂于永安宮。時年六十三歲。吳太元二年夏四月。孫權薨。時年七十一歲。呀。這個史才也。只有限。賀新郎。天地已。人心在。豈同嬉戲。憑憎愛。作改介。我這一筆邁。覷得千鈞隘。

改介。不免大書。昭烈皇帝辛丑。章武元年。分行細書。魏黃初二年。笑介。

前腔。誰許一人愉快。只要羣情推戴。域內豈容雙大。

天王有主。寧容狐鼠。舐排。哭介。我那諸葛丞相呵。你好一番辛苦。萬疊憂惶。反使得失分成敗。誰知身沒之後。又被仇人執筆。顛倒是非。這毀譽一筆也。恨無涯。屈指千年障霧霾。

當值的那里。雜介上。生。請了東西兩館分理老爺來。雜應下。內吹打介。二雜冠帶上。合前。各揖介。師生坐介。二雜大人呼喚。有何見諭。生。下官考訂舊史。見這陳壽三國志。不勝憤懣。今已借改在此。特

請二位年兄鑒閱。不識以爲可否。二雜介好好。這  
個總是千古的公評。春秋的特筆也。生恐未必然。  
還望二位年兄細加斟酌明白。方好奏明聖上。二  
雜振刷人心。扶持教化。實天地間之至公確論耳。  
生介這是本朝的實錄麼。二雜介是。生介原來已  
編輯過高孝二廟了。

太師令生介聖上呵聖上。你是萬歲君。終天代好雍  
熙虞夏舜街。我這宋朝宗祖。全以忠厚相承。子孫世

守。到後來出了一個王安石。他却執拗性成。變更  
祖制。介隨有那一班朋黨。傳法的傳法。護法的護  
法。好可惜也。變壞了文華圭玠。一星星禍起梯階。  
直至蔡京童貫。王黼高俅之流。紛紛倡議起來。他  
就占定了不移經界。又有僞學之禁。黨人之禁。無  
端生發。遂成不可收拾之地矣。儼然是失怙恃。無  
人襁褓。那些有德器的。斥逐盡了。甘鷹犬的。依附無  
已。竟爾難禁。解將無同謾猜。二位年兄。二雜不敢。

生哭介直弄得一絲失錯萬端垂。

二雜如今還幸存此半壁耳。生秦檜老奸罵名萬代不必講了。只是痛殺我也。生又哭介二雜痛着那一個呢。

前腔生痛着劉岳張韓名四海。倒反去剪葉芟芟若

依學生愚見。二雜若依尊見待要如何。生依學生

呵。把他們封王賜號加恩賚。振人心奮起蒿萊。二

雜大人一秉至公。况又遇着這個納言聖主。都俞

吁。水乳相投。安有不允大人之請者。生固喜天

恩寬大。我怎敢縱心情多削改。咳。岳元帥呵。岳元帥。

你的英雄氣地闢天開。怎竟泯泯沒沒等塵埃。

二雜大人請免愁煩。生此事須要特本奏明。還望

聖人破格追贈。方是我輩之盡職耳。二雜介是。

大節高。大勝樂。生古和今無數興衰。個中人誰是宰。

魯魚帝虎何妨改。二位年兄呵。二雜介不敢。生我們

既領此任。須要持心正。運腕偕休神。怪紛紛議論



亡蒼蔡炎炎氣勢休誇講。不教後日有疑猜。須知眼  
下無遮蓋。

尾合羣工協併同箴誠。斷不敢絲毫瑕瘵。生這史書  
實錄告完了呵。合定要與嶽瀆星辰同煥彩。

集唐生

正始振皇風

雜

流名感聖衷

惟彼烈祖事

傍聞九陌中

第捌齣

別試

真文

四園春旦上眼看夫婿謁金門。夏葛冬裘又十春。

小生上兒方弱冠強辭親。去去聲中欲斷魂。合此  
間慈母意。眉黛敢常顰。

集唐旦

寂寞閒堦亂草生。夕陽都是別離情。小生

客路晚依紅樹宿。淡雲疎雨過高城。旦我相公職

居翰院。十年衣點上林花。念奴家借伴書燈。午夜

績餘長命縷。喜得孩兒卜帙。學業少成。器宇襟期。

頗稱秀逸。況且宅心不苟。恂恂克孝克仁。自礪無

他。刻刻嫺詩嫺禮。頃接府州傳檄。促他上國觀光。

〔介〕我的兒呵。你此一去。即使不得功名。也好日聆  
父誨。〔泪介〕只是你娘呵。依間而盼。怎禁日斷雲山。  
對影而悽。可奈泪深襟袖。我好真正痛心也。〔小跪〕  
〔哭介〕孩兒原欲家居奉母。絕無苟邀人爵于胸中。  
豈期功令如斯。陡起京華之役于眼下。爹爹定省。  
固自有期。老母寒暄。一朝頓撇。教兒怎生割捨。〔旦〕  
抱小生哭介

漁家傲〔旦〕兒夫去十有餘年。看柳新。鎮朝昏不住的。

弔影勞魂。鶯聲自詢。見陌頭青藹紅成陣。偏是我眉  
端難問。並不怪夫婿封侯。端只怕孩兒陋聞。羞殺我  
孟母無遷暗主臣。

剔銀燈〔小〕潜潜泪。好教兒不禁的夢魂。聲聲怨。反把  
這聲兒來含吞。何處覓沒影荷衣。倒將見在斑衣  
褪。一天寒。還更一天兒煩惱。逼真念孩兒睡還未穩。  
那曉得驛店鷄聲。霜陵與那凍津。

攤破地錦花〔合〕撇娘親見爹行無異分。各自把私心

謾付怎如得一處晨昏。內馬嘶介只聽取馬急聲嘶。

頓令人神荒意紛。熨如焚情汲汲語囁囁。

麻婆子男雜挑担女雜持酒全上。合好聽好聽春雷動。庭除又一新。莫恨莫恨歌離索。龍門浪正齋。一杯別酒蹴芳塵。陽關唱徹神京近。雨足桃花潤。正是有種種麒麟。

旦泪介我兒收了泪痕。飲娘這杯酒。記着娘的囑付。路上着實小心。饑飡渴飲。過渡逢橋。早起晏眠。

待人接物。萬分謹慎。切勿驕慢。到京之後。見了父親。卽寄一紙音書。以慰你娘懸念。小哭拜介孩兒自然。敢違慈訓。

哭相思小一片離情萬里身。旦計程何日洗風塵。小

泥金有報娘休憾。旦轉眼無兒寄夢頻。小孩兒去了。

望乞娘親。勉強排遣。旦難排遣。謾吟呻。幾回暗自

好消魂。小生頻頻回首介下孩兒去了。旦大哭介他

那里頻頻首轉凝芳徑。我這里寂寂花深冷院門。

第玖齣

蠢動

寒山

點絳唇

淨藍面藍頂亂披赤髮頭帶金箍耳墜大環

長袖鎧甲上倒海排山雲馳電趲南人反萬馬蹠  
跚半壁先圖版說白時跳舞如兀木之勢介

集唐軍容威絕域落木秋山空風雲激壯志席捲  
六合通俺半天大王孟天寵是也生居南鄙世藉  
海隅比隣于瓜哇真臘之間犄角于淳泥答刺之  
界身披金鎧手儀不滅天神手舉剛刀伎倆豈同

山鬼人人道俺披着頭赤着脚揚眉豎目類狂魔  
那曉得俺恨在心機在腹掣電搏風成哮虎隨你  
是于闐國哈烈國安南國占城國暹羅國滿刺國  
佛齊國蘇祿國朝鮮國琉球國國國盡布威名卽  
使那赤水衛烏撒衛安南衛平壩衛清平衛安莊  
衛威清衛畢節衛興隆衛龍里衛衛衛皆憑出入  
俺這裏有的是孔雀羣牛竹鷄石燕妖禽怪獸嘗  
遊苑囿之中還有的是瑪瑙珊瑚瑋瑛玳瑁異寶

奇珍。盡入府庫之內。西洋布。兜羅錦。火浣絨。紅籐  
篾。勝如麻。縷絲綃。橐駝峯。猩猩齒。康郎魚。高河菜。  
不亞龍肝鳳髓。木蓮花。青黃紅白。四色齊開。獐羊  
尾。鮮脆甘肥。八珍無賽。最險的有崑崙山。可跋海。  
赤賓河。鉄門峽。風濤嶮巖。非比尋常。極美的是鷄  
舌香。蒲花席。狼尾筆。白硯紙。馥郁溫柔。不堪摹擬。  
金銀銅鉄。掘山卽得。般般視等塵沙。骨角羽毛。竭  
澤而漁。件件積如川瀆。俺有王妃兩位。却是姊妹

二人。美麗英雄。可稱雙絕。大的喚做天左娘娘。小  
的喚做天右娘娘。他都辮髮繁纓。長襟寶絡。彈動  
銀箏垂手舞。宛然西子重生。揮揚寶鏢。柳眉橫。恍  
矣摩登在世。因此俺家獨霸天南。不遵王化。窮兵  
好殺。屢犯中原。况我祖先孟獲。曾蒙七擒七縱之  
羞。而今天寵雲孫。難道掙不得一個一統一王之  
盛喜得滅宋天王張保。遙上冊璽。進俺個半天大  
王的徽號。他又約俺起兵。共分天下。大笑介。俺且

暫依着他。得了半天。再圖全壁便了。兩位娘娘前山較獵。此際也好回了。內娘娘回營。淨果然回也。

卓上盤膝坐介

出隊子

正小二旦垂辮紫甲各持兵器衆扮男女兵

卒全上合繽紛花散。天女回鑾錦珮珊。凌空矯翼

倚雲看。一箭雙雕落羽翰。獵騎騰驤前山後山。

二旦介大王見禮了。淨介娘娘少禮。娘娘坐者。二

旦兩邊椅上坐介。淨二位娘娘今日打得多少飛

禽走獸。二旦有數十車。淨好好快些燒煮將來。俺

門下酒衆將且退。歇息歇息。衆介下。淨娘娘。滅宋

天王張保。催俺疾速進兵。俺們明日就起行罷。二

旦大王坐此一隅。好不快活。又去惹那宋家做甚。

淨娘娘差矣。得了宋朝天下。再把滅宋天王殺了。

俺就做了中國之主。豈不更快活也。二旦雖如此

說。好費力哩。衆送酒肉上。二旦酒脩已到。且自暢

飲。明日發兵便了。淨娘娘言之有理。各燒炙野味

介

鐘黃畫眉序。淨獵初還。滿酌醍醐。笑炙燔。看珠璣燦爛。  
錦綺爛斑。細列着刺密菴羅。全供着獐麋狝狍。二旦  
勸君且進千秋釀。願只願半壁天海河清宴。

衆作燒炙野味送上介

前腔。又一體合時。君政令頒。咱們不識春王旦。任年  
光荏苒。歲月團圓。早聽取笳鼓歌鐃。真快樂雨雲朝。  
晏眼看一片金和瓚。笑盈盈趁好朱顏。

